

德



張右史文集卷第三十七

同文唱和

詩呈同院諸公

鄧忠臣

秋日同文館多朋信可依  
慧鶯還伴宿巧燕  
自知歸藻鑑由來定翹材  
未覺稀賢書早晚  
上拭目看珠璣

秋日同文館朝暉淡々光  
聚蚊喧收帳飛蝠  
入雕梁香散青綾被  
詩翻古錦囊群居有英  
老語興何長



秋日同文館虛廊日幾迴浮花出林杪古樾  
蔽城隈遠笛悲仍壯幽禽去又來微吟還自  
喜共和有清才

秋日同文館官寮許暫依衡軒笛鶴任楚澤  
滯鴻歸木選山中勝珍求世上稀清時方物  
負寧在篋中璣

秋日同文館掄才又一回鞭袖輸海徼金玉  
振巖隈富瞻看先達清新畏後來百朋行可

錫所樂在多才

秋日同文館興賢道與光雄奇思汝穎得巧  
笑齋梁綠醕傾蛆甕青燈折米囊聖票亦雅  
名米囊  
談揮玉麈未厭漏聲長

秋日同文館閑無一事依閑羊誰得鼎倦身  
客思歸寢處還相向過從不患稀何當有星  
聚誰為問璇璣

秋日同文館衰然觀國光泗濱何限磬岱麓



易求梁劍氣頻衝斗錐鋒定出囊於余慙拙  
匠操尺預量長

秋日同文館新涼  
逐雨回棘垣嬰吏局蕙帳  
憶山隈射為巧狙發田因文豹來西城隨分  
鎖夫我室多才

秋日同文館羣賢道足依心遊黃卷靜日送  
白雲歸空玉荆山盡文星禁掖稀館閣諸公多集于此  
清談欣屢接彷彿落瓊璣

秋日同文館雲沉夕照光螢吟堦下草螢照  
屋間梁臥月搜詩句挑燈認藥囊夜闌獨食  
枕歸夢楚山長

秋日同文館愁腸夜九回圖書准枕畔歌吹  
隔牆隈宿鳥翻枝去涼風帶雨來新詩勞見  
寄雞總謫仙才

秋日同文館群書畫可依衰遲多病在留滯  
故園歸但怕酒杯滿莫教詩卷稀惟羞狂斐



句瓦礫報瓊璣

秋日同文館晨暉帶冷光  
絲雲瞻鳳闕細雨憶魚梁  
義事班超筆空嗟趙壹囊  
簾閑坐無語千文旅愁長

秋日同文館西風昨夜回  
燕巢留屋角蛛網掛墻隈  
書任邊韶懶詩慙匡鼎來  
人人皆抱璞誰是濟川才

未

鄧侯讀書室編簡自相依  
眠手焚膏寫瘡肩

滿案歸業文從古有忍志似公稀  
歆挈空虛篋從君乞貝璣

鄧子詩成癖全分李杜光  
楚風還屈宋官休變齊梁  
蔡子辨焦尾晁公懷智囊  
三賢方鼎峙安敢用吾長

我愧言詩賜公真好學  
回雙書之閣上藏史  
楚山隈把酒論文裏  
連房校藝來知君懷水鏡  
依賴免遺才

晁補之



平生鄧夫子文墨晚相依  
臺閣佳聲在湖湘  
爽氣歸詩誇束筍  
容髮歎耕苗  
稀勤苦千秋  
事川明水孕璣

雄深張子句山水發天光  
黃鵠愁巖道玄龜  
困呂梁愛君豪穎脫  
嗟我病搶囊驥尾何當  
附西風萬里長

蔡侯南國秀經緯  
耿昭曰文史  
蒼生劍風雲  
繫起隈吾君  
求助意之子  
為時來萬旅  
防秋費何如一士才

曹輔

十歲湖湘客  
淹留何所依  
清名漢閣在他夜  
楚帆歸落日  
三秋晚浮生  
一笑稀  
每煩貽秀句  
真似暗投璣

妙論凌朝徹  
高文敵夜光  
輝煌照羣王  
縹緲絕飛梁  
得句題青竹  
圍棋換紫囊  
相從愧衰朽  
湖海興偏長  
富貴心非願  
山林首重回  
拂衣清世外  
築室白雲隈  
杜口同摩詰  
忘形學子來  
斯遊行欲



遂聊此接犀牙

蔡肇

圖書從所好英俊以爲依奎壁重開照琳瑯  
盡得歸地嚴宮漏轉門掩吏人稀子有詩三  
百西江咀寶璣

客去衣裳嬾更長燈燭光隨身一書笈貯腹  
萬雕梁夢舊傳青館封須拜皂囊羽翰從此

正天步赤霄長

諸君聯翻入斯文迤邐回滔引溟漲爛

繚巖隈此地身拘窘他時心往來唱酬真有  
味顧我独非才

柳子文

鄧子知名久秋闈得暫依論文虛以往講道  
實而歸得白賡酬數忘言笑語稀自慙初學  
步魚目混珠璣

刻意長沙客編書逝隙光朝方登廟器時可  
詠山梁未用嘲徑筍端宜號智囊頗聞窮史  
學猶想見三長



官輟蓬萊直身從帝所回文章孔庭與事業  
傳巖隈多士朝廷念諸公殿閣來英雄須入  
穀應有濟川才

李公麟

苦學鄧夫子仁風良可依賴同樂也內曾點  
詠而歸盛德弥年叩知音貴我稀瀟湘逢此  
地咳唾得明珠

瑠瑤墨客堂太一助燈光袖史探金櫃搗詞  
和栢梁近傳江綵筆遠得漢珠囊吏部文難  
可猶稱萬丈長  
共校南宮藝多年復此同群賢主堂奧一榻  
占廊隈步牒朝追逐詩筒夜往來故人情不  
淺無乃困慳才

秋日同文館詩

忠臣

秋日同文館分場試未齊借書窮石室刊字  
費棠梨想見英雄穀誰當甲乙題喜陪群彦  
集通籍在金閨

秋日同文館來遊翰墨場預聞周俊造多有



漢文章蘭室依新潤  
芸書識日香  
逢辰強思報  
矯首詠明康

秋日同文館  
晨興不待雞  
耽書迷甲子  
行樂在東西  
靜對遮柯弱  
閑常插葉題  
相期放朝後  
連日醉如泥

和

補之

高堂置書几  
連幕與雲齊  
暑服犹便葛  
秋盤已飭梨  
官醪聊且醉  
古錦不成題  
空對燈花喜  
重城隔夜闈

輟直離書館  
聯裾校藝場  
騰轅來萬里  
託旅出千章  
直釣何妨得  
滄風未必香  
搜才賴公等  
要助俗成康

憶我逢菜閣  
同聽午唱雞  
星辰望天北  
簪組隔城西  
幾日宣魚鑰  
長驅響月題  
更憑催鄧子  
要剗玉如泥

和

耒

騎列千牀直  
雲羅萬卷齊  
紆妍交孔翠  
爭味雜担梨  
白日諸侯貢  
青春天老題  
秋清文酒



健莫嘆羽林閈

聲鳴皆出谷  
觜距各爭場  
鐵網收明月  
霜鉞倒豫章  
湛恩終錫宴  
優札合焚香  
最苦讎書客  
消愁賴杜康

六街分夜鼓  
鄰屋報朝鷄  
寒引秋初老  
天將斗轉西  
滯留聊飲酒  
談笑亦分題  
須信家居樂  
休嫌窮巷泥

肇

清月看初滿  
黃花吐未齊  
小山思隱桂  
大谷

憶佳梨節物  
信可美詩騷  
懶自題長年  
語  
宿聽雨閉秋  
閨

西合青雲幕  
縱橫白羽場  
誰矜率爾對  
吾念斐然章  
名淡隄縻榜  
衣飄月窟香  
春風馬蹄疾  
鞭帽散平康

萬里夷王子  
曾聽若木鷄  
汎舟滄海外  
授館國門西  
琛幣求重譯  
車書想日題  
蒼梧弓劍冷  
雲雨泣芝泥

試院高麗乃館使客

聞寂同文館  
秋英綻欲齊  
禪袍分白乳  
仙果



破青梨琴理將忘曲詩探未賦題清歡在文  
史誰復夢重閨

明時懃選擢間設譽髦場該學添三傳微能  
及九章靜無梳葉唱清有菊花香解我幽憂  
病將應賴杜康

鵲知因時化如何赴越鷄逸羣來冀北屏氣  
入淮西盛事無三物浮辭斥百題慎須精藻  
鑑寵辱異雲泥

秋日同文館高堂燕集齋杯槃供魯酒敬核  
久張梨揚孟持新論韓莊鄙曰題須知宗匠  
手文采冠朝閣

秋日同文館何人獨擅揚蒼莪方在泚琢玉  
已成章筆別千鋒陣庭焚一炷香得賢從自  
始豈特致民康

秋日同文館棲林看晚雞斗垂宮殿北月轉  
戶庭西酒勸杯中綠詩分燭下題何時還九  
陌細雨莫成泥



南仲

詔命連催發英髦一日齋周瑜醇似酒崔遠  
爽於梨高館清無夢寒燈坐賦題還同宿山  
駟風雨閉重閨

槐市任花黃賡歌且闌場醒心流水曲警耳  
白雲章冷竹枝二翠芳蘭葉二香滿前皆後  
彥何但有三康

翠幕春雲合場燈看舞雞冥搜人不列驚駭  
日沉西牖學愁精鑿英材喜巨題何人當旨  
選雙觥起甄泥

磊落群英集崢嶸逸氣齊捷捷聞墮竈妙論  
及交梨庭木何年植寔塵異域題高麗人館  
此書字尚  
在獨憐車馬散寒月滿宮閨

懶散江湖客秋深念滌場端且返田里安敢  
論文章山鳩橙應熟霜籬菊正香行歸招隱  
客鼓腹詠時康

國器來金馬儒冠萃木雞勝心爭逐北銳氣



鼓爭西海嶠鵬程息春風雁塔題應思連夜  
雨車馬六街泥

公麟

鎖寂身如隱幽清物自齊忘憂經露菊蕪肺  
到霜梨白法賚談歎朱籤歷品題賢書天下  
望鵲喜通深閣

呦：鹿鳴野皎：白駒場朋盡連茅茹文程  
琢玉章門通三級峻桂露一年香慶及飛龍  
旦同歌庶事康

寄棲容幕燕覆部等醢雞歆雨風多北窮秋  
日易西官書便夜讀家報索親題早晚駉駉  
入重門拆印泥

輔

別館朋簪盍華堂燕俎齊手書思露搗齒冷  
法永梨桐影迷金井苔痕上壁題共憐今夜  
月六解照秋闈

平生詩酒興縮手少年場誰敵江河量爭看  
錦繡章論才皆國器滿袖尚天香歆寫弘文



士風流有長康

問口曾吟鳳臨池豈厭雞詩豪杜工部墨妙  
庚征西歸及黃花在能忘彩筆題醉游須爛  
漫莫惜錦幘泥

未試即事雜書率用秋日同文館為

首句

忠臣

秋日同文館  
沉二領棘闈捲簾襟乍快歌枕  
夢先歸驟雨憂環堵回風喜袂衣十年徑五  
試撫事憶多違

秋日同文館人閑景自長重簾朝氣入嘉木  
午陰涼朝市喧聊避山林興未忘頻添繞爐  
水還与試香方

秋日同文館  
重門靜不用雲隨鴻影去風送  
樂声來挿架書千軸論文酒百杯晚花陳葉  
滿還是作愁媒

還館深魚鱗華堂靜綺閣每勞蛩作伴不與  
燕同歸古棟蝸成篆空墻薜作衣寂寞還泛



菊九日莫相違

名自諸候選功收一日長文章雜蛟蚓丹墨  
有炎涼平昔曾充貢酸寒未易忘書生成底  
事飽死笑東方

倦枕愁霖苦晴關宿霧開幕雲當畫合袍雪

典風來元日彤庭實春風曲水杯何須戀揚

柳聖世要無媒唐無名子有不第詩句早知不用無媒路  
梅別江關楊柳無

肇

翳：雲生樹翻：風動關高秋忽如此吾堂

苦思歸極目愁關塞侵寒寄楮衣少狂真喜

事回首壯心違

物色清秋逼官曹靜夜長華星披夕靄皓露

洗空涼律細詩娃繼禪心夢易忘依稀貪佛

日香火宿諸方

取士漁鹽出傳經戶慵開驚清簾外起驟雨

筆端來人競懸金鑑書方貴金杯太平元有

象勿遺賦良媒

補之



風雲日夕改秋氣襲堂闌映葉無蛩響依叢  
有蝶歸官壺催賜耐鄰杵急成衣苗滯真何  
補尊鱸興又遠

氣入中秋勁更長傳五夜長傳青燈蛾舞急白月

雁啼涼羈旅生應慣淹留久却忘吟詩酬鄧  
子畢昂出東方

前世諸生選平居教路閑鄉閭自相與巖穴  
六時來射雉空亡矢為蛇更奪杯千金曾市  
骨聊用作龍媒

幹

零露沾明砌姿風入邃闌添愁重勸織驚夢  
鳥催歸哀調孤吹笛寒聲遠鴛衣飄逢雖已  
久今夜覺分遠

引類憑先進搜材及寸長隅簾愁晝暝隱几  
怯秋涼化力人難測機心我已忘封侯良可  
待誰有不龜方

簾幕深常閉門庭閒未開愁將河女隔喜見  
月娥來騷客吟冰柱仙官醉玉杯蹇修那可



得笑齒竟誰媒

氣候逢秋晏  
蛩鳴入戶闌  
蒼空看雀閉  
天濶暮雜歸  
風急飄庭葉  
寒光着客衣  
重陽故人境  
應念賞心違

門深鄠市遠  
幽寂興何長  
徑菊晴披艷  
寒風晚逗涼  
聖往閑裏醉  
塵鎖夢中忘  
更苦年來病  
時看肘後方

旁舍回廊接  
重簾晝日開  
鳴蟬隨雨退  
踈雁

拂雲來吟興  
降難韻羈懷  
寄淺杯驚颺  
漸凍緊人欲  
作寒媒

子文

虛廊空白月  
燈火閉重闌  
思苦詩難繼  
更長夢易歸  
徒勞爭墨榜  
須信有朱衣  
萬事前期定  
升沉不尔違

一一聽官徵  
銖二較短長  
品題分玉石  
得失異炎涼  
中的非無術  
知音豈易忘  
魚龍頭角老  
變化更何妨



萬戶爭看榜三年此一開異時千載過此日  
四方來價重連城璧珍逾羽化杯山梁欣有  
獲置網豈須媒

公麟

葉乾風索：霜月到書闌技並鶴鶴宿床吟  
蟋蟀歸幽人知坦履遊子念從衣暗喜還家  
近承韻慰久違

莫以多為贅須知寸有長拾才何濟：顧我  
獨涼：雷雨龍皆起江湖魚而忘攀依聊假  
手賢立本無方  
今朝庭鵲喜燈為一花開側指皂囊去轉頭  
驄馬來新搯家斫鱠殘菊客浮杯樂事連休  
日須憑酒作媒

南仲

敗葉掃還飛秋容肅粉闌青錢如已選白璧  
會須歸燕坐書橫案孤吟月滿衣還同潘散  
騎魚鳥性多違

大軸累千箱鳧中見鶴長靜臨窓几讀爽入



肺肝涼誇啗爭求勝疲勞忽自忘由來京邑  
貢正合冠多方  
藹二儒冠至恢二賢路開才須金鑑別人自  
玉山來謝密書千卷愁康酒一杯如君富術  
業當與雉為媒

輔

空庭秋色晚風露入重闌白髮已無數故山  
枕未歸江湖千里月砧杵萬家衣把鏡西風  
裡低徊志願違

鄧子詩成癖苦吟秋夜長江山得看秀風月  
借清涼郢曲高難和騷人興未忘從君乞餘  
教換骨有仙方

驄馬何時到重闌計日開迎門稚子笑載酒  
故人來休沐猶三日狂歌且百杯祥麟秋苑  
靜更約看龍媒

天啓有少年真喜事之句用其韻和

忠臣

慷慨論邊事飄蕭動孔闈貴須金印宿老要



玉闕歸食酪便揄塞鳴饒慣缺衣懸知雄辨  
在志願未應違

肇

百萬防秋去軍容凜將闌請排雲鳥出盡獵  
犬羊歸老息陰符讀慵便直裰衣鄧侯多哀  
興時命不予違

詩呈同院後至諸公

忠臣

秋日同文館飛章待報回絲綸先日絳鸛鷺  
忽朋來諸君俱精鑿微生亦濫陪紛：五千  
牘誰定寇倫魁

子文

秋日同文館中官押入回西風初雨去明月  
為人來藻鑑憑君許賡歌媿我陪相逢已亡  
寢坐見斗移魁

向

秋日同文館英遊賜典回搜才惟藻鑑明試  
副招來玉麈聞餘論金尊喜屢陪歸鞍期早  
晚斗柄指天魁



同文秋已半簾幕燕初回議論皆先覺衰遲  
愧後來文衡那敢與談柄且容陪誰掘豐城  
劍光芒徹斗魁

公麟

秋日同文館淒風動九回亂雲收暑去一雨  
送寒來猥與英躔接慚非漆鑑陪雍畿茲願  
俊元祐看新魁

肇

文書汗牛馬揀字切昭回剡玉君曾試吹等  
我亦來鑿精真有賴詩妙不容陪只隱歸山  
去霜畦斲字魁

耒

駉馬嘶將近天門報欲回妻孥恰別久鄰里  
問歸來左學徒仍在西城宴許陪腹毛何足  
問奇捷看渠魁

問慎思話舊隱用回字韻

補之



聞在豪塘隱松林日百回當年鹿何往異世  
鶴歸來未許茅齋並終朝蠟屐陪丹田於不  
死夜氣看星魁

詩呈同院

鄧忠臣

秋日同文館論交手重攜胡秦常恨邈李杜  
豈堪齋尚喜新知語閑思舊句題十年勞夢  
想同直集莫西

益

秋日同文館文編六共携并沉都莫問榮辱  
已能齋酒美何妨醉詩成強自題從容約歸  
日訪子省關西



右史文集卷第三十八

同文唱和

初八試院

鄧忠臣

東門驄馬止行二被詔秋闈闈後莫三鳥隔  
雲天北極萬燈明路國西城人閑聊假詩書  
樂地遠還聞市井声一夜涼風起闈闈月中  
應有桂枝生

孔仲武

十載江湖萬里行偶來西館闈豪英雲龍九



關晨書詔燈火千門夜出城  
蕭洒庭除當月色稠重幕  
帝斷人声年家兄弟今同舍  
曾見河南起賈生

晁補之

官局悠々共此行來時庭菊未含英  
五更既葉驚書几一夜寒砧滿禁城  
詩似涼風淒有吳酒如清露  
范無声何時駉馬催歸去更看  
林端魄一生

莫嘆念々穉被行賴送數子美如英  
已看明月同為客應犯初寒復入城  
白日有書追睡思青燈無夢聽秋声  
直無別甲逍遙地幾日疑公太瘦生

子文

芟然誰復喜斯行開豁拘懷賴俊英  
上國擢材初改轍衆心暫戢六乘城  
何時奏籍瞻霜簡且復安眠聽雨声  
異日倘容休沐會未慙相約太癯生



公麟

勅使書囊問隊行聚星深館架諸英雲隨襟  
袖來蓬島香散房攏宿化城振鷺充庭天有  
幕珊瑚入網海無声乾模一世尊先覺况此  
提平慰後生

倚

承詔掄材敢憊行廣庭深鎖待群英分場自  
敵三千客決勝誰降七十城夜案尚閑塗卷  
筆曉堂方听讀書声每早堂闈无歸時還有  
答諸公讀書

黃花否已覺秋風滿袖生

余幹

江南嘗應檄書行多向西風拂露英薄暮解  
裝融祖寺去年八月檢潦堂宿牛頭山  
祖堂寺法融禪師坐禪處也侵晨  
揮策楚王城在宣州東先曾過明蟾又見中  
秋色哀雁仍聞半夜声懷舊感新搔短髮歸  
時應有二毛生

南仲

昭回雲漢九天橫冠帶初二畫後英梁國有



珠光照乘趙人懷  
璧價連城道山遠  
處分群彥文律持  
來考正声秋晚定  
知誰入轂叔通還  
進魯諸生

肇

千門鑰入斷人行  
禁漏稀微出迳吳  
齋拜勅書期老仗  
並驅駟御出西城  
誼諱燈火看如夢  
閑鎖官曹祇寄声  
聊付能詩破羈旅  
詩成冉々又還生

試院即事呈諸公

幹

去家策馬上長河  
逆旅光陰忽々過  
陳迹不堪追放浪  
新才仍復委搜羅  
雅談幸有青雲士  
佳句寧無白雪歌  
此具非憑吟笑遣  
未應能奈客愁何

武仲

衡門咫尺限關河  
此地平時足馬過  
欲把塵埃補山岳  
寧辭羽翮寄罝羅  
華堂翠帟供閑燕  
明月清風伴軟歌  
擬寫秋容須筆力  
新詩句々似陰何



補之

天街初月映天河  
拜勅東華走馬過  
解榻暫如夢  
遇木閑簾還似雉  
嬰羅倦依書冊工  
催睡詞倚詩篇足  
當歌可待紛  
二厭朱墨書  
閑唯有飲無何

未

天街落日走鳴珂  
咫尺衡門不許過  
催去拋鞍猶鶴望  
爭觀夾道已雲羅  
奏篇定有凌雲賦  
招隱今無和角歌  
最苦清秋辜美睡  
通宵

三問夜如何

子文

高談初喜聽懸河  
未厭鄰房日夕過  
蝴蝶乍迴塵外夢  
蜘蛛看結雨中羅  
銀袍較藝觀初敵  
玉帳收功听凱歌  
共是當年廷試客  
鎖闥今日合如何

公麟

盍簪聞善若江河  
簾幕踈閑笑語過  
月照飛牋穿戶綺  
風生揮塵動衣羅  
已張英鼓收三



後更賦離騷續九歌涼夜沉  
清不寐空庭  
無奈葉聲何

忠臣

後遊常恨邈山河邂逅文闈喜屢過  
朱簿分明俱鼎立墨圖伴位看星羅  
人閉戶牖還相  
近朝得英才信可歌  
雙鑰重闔非不密只應  
無奈夢魂何

南仲

重門鍵鑰阻山河  
願有良朋不厭過  
唾落如珠傾巨斛  
袂揮成幕散輕羅  
慙分處士吹竽  
俸漫學東人掩鼻歌  
笑語哄堂俄又夜  
客愁還奈我曹何

倚

風生簾幕撼層波  
况直清秋一半過  
堂上簪裾方鷺集  
案間圖史已星羅  
東籬採菊朝嘗  
酒北里吹竽夜聽歌  
早晚奏名聞黼坐  
望中與奈白雲何

再呈慎思諸公兼以言懷 倚



南窓寂若隱山河時拄金門步見歌談笑且  
看揮麈玉篇章寧惜洒牋羅已羞軒冕嬰身  
任史詞功名撫劍歌賒得涼秋好風月不成  
吟醉奈愁何

忠臣

秋闈深鎖覺愁多賴有英遊玉趾過日望高  
樓吟楚月夢隨明月到湘羅

湘羅子家所在

南宮曾

看揮華藻西館還來共笑歌六稔飛光如過

隙人生誰奈老催何

君平宣羨登科六年矣

登

試場未動文書靜官舍相聯步履過千丈蒼  
波爭倚薄十圍便腹有森羅登臨已結騷人  
恨填委終翻芳者歌後夜中庭佳月色惟予  
不飲柰明何

重九攷罷試卷書呈同院諸公

忠臣

題遍朱蠶棟宇充燈寔長聽景陽鐘昏眇直  
要金篦刮黎瘦都如飯顆逢文律自隨星斗  
變月評應合士人從了無一事猶深鎖書頁



東籬菊品濃

補之

周行柳比未應充薦廟方求古鼎鐘徑眼乍  
愁千紙積解頤聊喜一言逢黃花庭檻時雖  
過白酒鄰槽願可從更促寄衣真似旅曉堂  
初怯露寒濃

南仲

貢珍已選茂良充猶被拘縻類縛鐘淶酒強  
陪高館飲黃花不似故園逢棋枰苦戰挑燈

坐蘚壁閑題捧硯從風葉滿庭秋索寞更籌  
向盡睡方濃

幹

庭實方期國士充知音須辨鐸符鐘孔融愛  
客樽常滿摩詰思親節又逢烏養任真終自  
適彘謀傷性竟誰從開門預計無多日猶起  
清愁暮靄濃

忠臣

屢見高文試澤宮長年恭校愧龍鍾懸瓌待



價由來久綠綺知音不易逢  
吉語乍聞隨鵲喜歸期專欲問  
龜從到家莫負如泥約光祿  
供醪味正濃

肇

清秋官舍酒瓶空滿袖黃花情  
所鍾忽聽數篇吟可老絕知開  
口笑難逢浮舟有底不歸去  
戲馬猶能限莫從江上鱸魚三  
尺許西風歌枕夢魄濃

回首登高行復冬後時只合歎  
龍鍾愁須白酒來酣戰詩為黃  
花予不逢十日飛騰過眼疾萬  
義甲乙定誰從共應靜掃罷能  
榻深炷爐香午睡濃

時去開院十日

子文

侵尋節物過秋風何處釣天  
燕鼓鐘九日菊花聊一醉五  
湖佳士偶相逢挑燈款語時  
供笑借紙聯詩且謾從待得  
出關應放意百杯追逐吳方  
濃

慎思有如泥之約



嶺後天畿合辟雍愧將瓦釜綴黃鐘公麟聽窮一  
一竿無賴撥通磷二玉似逢魚列春庭先壞  
莫龍飛天路得雲從吾曹莫念拘縈久未稱  
公朝慶賞濃

執掌棲遲一畝官慣聽更折及晨鐘黃華慰  
眼祇爾許綠醴于人亦漫遙幾日囊篇磨不  
逮二時庭步笑相從迨來尋却家山夢投枕  
和衣睡更濃

夜聽無咎文潛對榻誦詩響應達旦  
飲服雄後輒用九日詩韻奉貽

忠臣

連床交語響春容激楚評騷徹曉鐘統宅金  
絲神共聽湍潭雷雨劍初逢信知自有江山  
助便欲長搵几杖從俱是年家情不淺依蘭  
應許弓香濃

依韻奉酬慎思兄夜聽誦詩見詠之  
作  
未



昔遇晁公淮水東，士衡已聽語如鍾。五車講學知無敵，十載論文喜再逢。匣古劍光疑鬼泣，夜天虎嘯有風從。許侯破的由來事，三句皆屬晁杜老裁詩曉墨濃。

與文潛誦詩達旦，慎思有作次韻呈

二公

補之

神交千古聖賢中，尚想銅山應洛鐘。傾蓋十年唯子旧，知音一世更誰逢。天如蟻磨駁，旦談似縲車。疊二從鄰榻，鄧侯那不共擁衾。

百首與方濃

次韻重九之什

倚

英豪獻策廣庭中，問辨紛二似叩鐘名奏九。重書密上士欣千載，運親逢鴛鳴定獲喬林。樂鳳舉應容衆羽，從盛世文章由此變。吐看風俗及醇濃。

昔年此日故園東，爛醉牛山到暮鐘。牛山在苗州城

東二十里已往光陰那再得，如今羈旅又重逢。

淵明把菊情雖厚，子美登臺願莫從。杜甫九日詩云



絕病起登且看群書歌枕臥病多仍負酒杯  
江上臺  
濃

次韻慎思貽二公誦詩 肇

臥聽高齋落葉風清詩交詠想晨鐘故人厚  
意論千載止始遺音僅一逢膠漆初期在俄  
頃雲龍莫恨不相從芸房深鎖秋香冷鬱  
忽二佳氣濃

未

西城永夜灵鼙鼓北寺五更青石鐘九牧何  
時官事了三英聊喜故人逢甲庚定處君無  
讓躩蹠歸時我請從欲却睡魔通夕語明窓  
茗粥不辭濃

八弟預薦慎思兄以詩為復次韻并

寄八弟

補之

吾弟平生辛苦同匹雛志舉百鈞鐘自慚操  
瑟尚不斥勸使力田終有逢青眼故人欣捷  
報白頭老母喜占從書林倘預西城集醕子  
酣二杏正濃



九日致試罷聞無咎天啓二弟薦名  
因用前韻以行同慶之懷

朱墨沉迷萬卷中  
斗筲那得變千鍾  
風流不似臺南戲  
牢落政如江上逢  
閣筆文書聊撥棄  
到家車馬數過從  
阿連已與甘泉奏  
歸拜萱堂喜更濃

慎思兄別墅在長沙白鶴山晉陶淡  
舊居事見本傳今其居有大杉可十  
數圍蕃茂特異世傳淡藏丹其中用

前韻謹賦

采

千年騎鶴老仙翁  
固是山川秀氣鍾  
挑洞自宜無客到  
吳門應合有人逢  
巖前日隱孤杉老  
壺裏真遊白鹿從  
近有蓬萊讀書客  
卜居還占翠嵐濃

家弟別試預薦特蒙慎思學士贈詩  
致慶感荷不已改韻酬謝

肇

我家書冊代耕農  
尚祝甌羹取一鍾  
再築金



臺端不昧高懸水鏡亦難逢親闈動喜欣  
色士論推公耀：後好在黃花薦歸壽秋堂  
惟笑變春濃

同舍問及故山景物用鍾字韻賦詩

以荅

忠臣

吾廬高對玉池峯日聽诸天奏鼓鍾海外鶴  
歸青嶂覺洞中花落碧溪遙翻徑夜對高禪  
講採葉晨邀老圃從說与群仙如畫出紛然  
歸思亂雲濃

白鹿真人歛御風青杉手種大如鍾還丹未  
化神應護道骨相期子合遙萬里且看騰踏  
去一搏聊喜笑言從攢峯列壑休南望曉榻  
秋陰分外濃

補之

玉泉飛落白霞峯散入山田畝十鍾鄧子結  
廬真世外陶公脫屣更誰遙鶯啼春竹風烟  
近龍起秋堂雨電從誰使山人空蕙帳蓬萊



金殿與方濃

輔

洞庭湖外白雲岑  
醉臥虛堂聽曉鐘  
潤草岩花無日歇  
仙人玉女有時逢  
蓮脂車石路君能  
去蠟屐秋風我願從  
欲藉神方變華髮  
黃菁苗盛菊香濃

幹

烟霞曾是踏諸峯  
翻作清歌笑玉鍾  
幾代孫徒挑塢隔  
千年壇憶華山逢  
美才方赴鳴駒召  
逸興何由稅駕從  
我亦江鄉成阻澗  
西風歸意浩然濃

先生家住翠微岑  
萬卷詩書酒一鍾  
屏掛葛巾無客到  
雲藏古洞有仙逢  
溪邊晚釣呼鷗伴  
花底春吟引鶴從  
只恐舊山歸未得  
帝恩朝夕露濃

南仲

草廬高臥對千峰  
白眼誰能顧萬鍾  
仄席不



因天子詔藏詩未許世人遙他年社稷勳如  
立滯老烟霞志會從五柳一松應好在月明  
空自結陰濃

感興復用鍾字韻呈同舍 忠臣

五年湘水聽霜風長樂初聞此夜鐘遼鶴亦  
知華表在仙基猶許爛柯逢蓬山道藏聊為  
戲石室真遊久欲從便擬作歌招隱去人間  
得意不須濃

慎思屢以佳篇見貽且俾屬和而衰  
老困於強敵輒為詩以謝之兼簡無  
谷文潛天啓

鄧侯清骨如水瘦少日文華苦用心賦罷吹  
噓因狗監詩成傳誦到雞林陽春白雪無凡  
曲流水高山有至音更唱自存三益友老來  
衰病廢長吟

漫與成章屢蒙子方寵和更辱贈句  
輒用奉酬 忠臣



聲名詞藻競駁，不負平生許。其心鳴鳳自  
須諧玉磬，野麋祇合戀雲林。清新每喜羊何  
和，冥默初聞雅頌音。不是南冠厭拘繫，楚人  
元愛楚風吟。

肇

曹公長劍一杯酒，鄧子孤雲萬里心。神駿莫  
辭觀馬廐，深沉久合寄書林。孔淵恥事幾三  
月，詞客悲秋共一音。独有何郎詩思苦，空階  
點滴伴清吟。

奉報子方佳句

補之

曹子金門等陸沉，壯年裘馬四方心。檄傳白  
羽從沙井，詩寫紅巾過武林。兵甲冑中無敵  
國，絲桐世外有知音。相逢不飲何為者，祇作  
寒廳擁鼻吟。



張右史文集卷第三十九

同文唱和

慎思說家山之勝用其語得詩

肇

江清石磊々野曠竹修々此地有茅屋我行  
尋白鷗分留湏物色來往更風流相對黃塵  
夢詩成擁鼻謳

野橋隨岸架茅屋依林修木落吟霜欲雲晴



舞雪鷗山屏當戶列瀑布入溪流只合樵歌  
唱何因得蔡謳

寄次張第

忠臣

猫頭竹葉細擅乘新筍如掾日滿盤寄語見  
童莫多取來春從上萬餘竿

肇

南山十畝龍蛇窟半夜春雷起屈盤欲釣不  
鰲滄海去為留春笋作長竿

嘲無咎夜起明燈聽慎思詠

耒

翠屏香煖秋眠穩霜冷寶奩金錯刀誰信苦  
吟無睡客挑燈起聽楚人騷

和文潛嘲無咎夜起明燈誦予詩

忠臣

參橫月轉與天高歸士飛心憶大刀故作楚  
吟排滯思吟成風葉更蕭騷

輔

秋風落盡千林葉恰似并州快剪刀香冷洞



房婦未得一窻明月讀離騷

奉卷文潛戲贈

補之

倦游年少憶安巢歸夢常慚斷織刀老去周  
顛雖有婦黃經對鏡夜騷

肇

鄧子詞鋒魯孟勞荆鍾剗玉盡鉛刀風流陶  
謝技括困擊節期君僕命騷

忠臣

拚老工詩恨不高苦心錯玉與龍刀正如天

祿秋風夜別盡寒燈著廣騷

再謝周顛之句

耒

烟飛小玉吳王國柳暗朱樓鉄甕城見說周  
顛經案外亦聞荀粲并淋声

忠臣

眼看秋雁敵汾水心到陽關唱渭城却被維  
摩居士笑海潮音作斷腸声

補之

秋日照歌淮上舫春花引醉福昌城何如箇



闔門西北臥聽秋風枕畔聲

小詩戲無咎

肇

吳山楚水未忘懷暮雨朝雲恨已平縱免摩  
伽能毀戒未妨澤室會于齋

忠臣

文書盈几法筵埋香火秋來願稍乖得似鹿  
門携手去定隨繡佛鎮長齋

已未春與伯時較試南宮同年被命  
者六人今茲西館唯同伯時一人而

已因書奉呈

忠臣

十載京師五校文並游多已據通津再來更  
鎖城西館點檢同年只一人

公麟

憶鎖南宮會友文天梯相躡看雲津白頭笑  
我成今日青眼逢君尚昔人

中秋月

忠臣

寂寥無聲月停午蟾蜍通津墮清露明星爛  
爛今何稀美人焚：隔烟霧



秋風吹空雁旁午長天無雲月呈露為須清  
曉照清尊莫遣中宵生薄霧

補之

輔

空谷秋寒同子午白月絃三洗清露遙想燈  
花結夜愁鬱金斗帳香如霧

與文潛無咎對榻夜話達旦

忠臣

書憲燈火夜深明憲外蕭蕭雨葉聲對榻不

眠談往事渾如五鼓過嚴城

耒

燈花昨夜已分明更聽朝簷喜鵲聲明日朱  
門閉空館秋風駿馬大梁城

補之

疎林小雨月籠明商頌琅琅夜半聲鄧子牙  
強殊未發欲馳素木犯堅城

肇

窮秋天氣少晴明雨葉風窸夜三聲應為幽



人聽未足不教驄馬出重城

張右史文集卷第三十九



